



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vercellensi Episcopo.

urn:nbn:de:hbz:466:1-20006

cum possessionem ipsam sine dolo & culpa sua obtinuerit auctoritate Prætoris, & per hoc jus sibi fuerit acquisitum, monasterium vestrum super possessorio audiens ulterius non debebat, cui parata erat in petitorio respondere. His ergo & similibus in nostra & fratrum nostrorum præsentia prudenter à partibus allegatis, nos attendentes quod laicis etiam religiosis super Ecclesiis & personis ecclesiasticis nulla sit attributa potestas, quos obsequendi manet necessitas, non auctoritas imperandi, à quibus si quid motu proprio statutum fuerit quod Ecclesiarum respiciat etiam commodum & favorem, nullius firmitatis existit, nisi ab Ecclesia fuerit approbatum, (unde statutum Basilius de non alienandis prædiis rusticis vel urbanis ministeriis & ornamenti Ecclesiarum illa reprobatum fuit potissimum ratione, quod auctoritate Romani Pontificis non fuit roboratum) ne in exemplum transeat similia præsumendi quod à sacerdotio B. factum fuerat in præjudicium monasterij non conveni, nec confessi etiam, vel convicti, prorsus in irruit revocantes, possessiones easdem restituendas sibi sententialiter diffinimus, nec ipsas quae in locum & jus illarum quas ab I. de Atreia Ecclesia sanctæ Mariæ petierat successerunt, interim alienare valeat prohibentes, ut si Ecclesia sanctæ Mariæ vel de vitio litigiosi contractus vel de proprietate forsitan voluerit experiri, ne si obtinuerit in judicio, in vanum laboret, monasterio minimè possidente, sit quod evincere valeat & habere. Datum Laterani V. Kal. Decembbris.

Scriptum est super hoc in eundem modum Clericis sanctæ Mariæ in via lata.

OLDEBERTO SVBDIA CONO nostro, Preposito sancti Gaudentij Novariensis.

Epist. 240.
Vt habeat ju-
nitionem in
fus frates.

AD hoc in domo Domini statuta fuisse noscuntur officia Prælatorum, ut ipsi speculatori solliciti existentes, excessus puniant subditorum, & de agro Domini zizania colligant ad comburendum, & triticum in ipsius horreis studeant congregare. Vt igitur commissum tibi præpositurae officium utilius prosequi valeas, devotioni tuae auctoritate duximus præsentium indulgendum ut liceat tibi excessus fratrum tuorum

secundum Deum & justitiam, non obstante appellatione, si qua forsan fuerit facta in elusionem ecclesiasticae disciplinae, corrigere, & eos bonis actibus informare. Nulli ergo &c. hanc paginam nostræ concessionis &c. Datum Laterani Idibus Decembbris.

VERCELLENSI EPISCOPO.

AD audientiam nostram te significante pervenit quod cum Casale sancti Evasij, quod ad jus & dominium pertinet Ecclesia Vercellensis, propter multas & enormes injurias quas habitatores ipsius Casalis eidem Ecclesia intulerunt, jamdudum sit interdicto suppositum, & majores ejusdem loci excommunicationis sententia innodati, Clerici Casalis ejusdem quosdam scholares, qui cum aliis sunt ecclesiastico interdicto suppositi, in fratres & Clericos elegerunt. Quia verò quibus ecclesiastica sunt officia interdicta, dum tales existunt, eligi non debent ad ecclesiastica beneficia, cum officiorum intuitu beneficia conferantur, fraternitati tuae, si præmissa veritas suffragatur, cassandi electionem hujusmodi, non obstante contradictione vel appellatione qualibet, liberam tibi concedimus auctoritate apostolica facultatem. Præterea quia, sicut tua nobis insinuatio patefecit, quidam Miles de melioribus ipsius loci tibi fideliter astitit in persecutione quam tibi & Ecclesia tua alij faciebant, propter quod incurrit odium vicinorum, damna plurima est perpetratus, cuius filio, scholari scilicet bona indolis, ut testaris, in Ecclesia Casalensi desideras providere, volentes, quantum cum Deo possumus, tua fraternitati deferre, ut scholarem ipsum in Ecclesia memorata, sublato contradictionis & appellationis obstaculo, instituere valeas, auctoritate tibi præsentium indulgemus. Datum Laterani III. Idus Decembbris.

Epist. 241.
Excommunica-
ti nec eligere
possint, nec
eligi.

VERCELLENSI EPISCOPO.

TVa nobis fraternitas intimavit quod quidam laici tuae diocesis, & alij plures episcopatum adjacentium, decimas Ecclesiis & Clericis tuis perver- sis machinationibus subtrahere moluntur, & concepta perversitatis audaciam non curant satisfactione debita emendare. Quidam enim ex eis semen & sumptus qui fuerint in agricultura pri-

Epist. 242.
Vt decimæ ab
omnibus per-
solvantur.
Cap. Tua. De
Decimis.

Rrr ij